

欽定大清會典事例

欽定大清會典事例卷五百十

禮部

朝貢迎送 市易

迎送。○崇德二年定。朝鮮進貢。及奉表奏事。豫稟守邊大臣。詢明來由。開報來使職名。人數。由部奏准。移咨兵部。給發信票。移文守關官。仍由部移文守關官。迎接撥人伴送至。

東京再撥人送至。

盛京守關官驗票放入。回時。兵部仍給信票。遣官伴送出關。守關官驗票放出。由部委官伴送到。

東京再撥人送至邊界。沿途驛遞人夫車馬食物等項均照例給發。○順治元年定。貢使歸國。差司賓序班一人給勘合。由驛遞伴送。沿途防護。促行。不得停留騷擾。及交易違禁貨物。交明該督撫照例送出邊境。○八年定。凡外國貢使及定額從人來京。沿途口糧驛遞夫馬舟車。該督撫照例給發。差官伴送。及兵丁護送來京。回日沿途口糧驛遞夫船。兵部給予勘合。其留邊人役。該地方官照例給予食物。嚴加防守。貢使回時。同送出境。○十二年。覆准。荷蘭國遣使齎表。

入貢。由廣東巡撫量差官員兵丁護送來京。仍擇諳曉荷蘭語言三四人偕來。○康熙三年定朝鮮來使回國。由部差通官一人伴送至山海關。移咨兵部。給予山海關鳳凰城路引。量給官兵護送至關。自關撥兵護送至鳳凰城。沿途行糧食物。移咨戶部光祿寺照例給發。○七年奏准安南國貢使歸國。差司賓序班一人伴送至廣西。交該督撫差官護送出境。○九年奏准西洋國貢使回國。差司賓序班一人伴送至廣東。交該督撫差官護送出境。○十七年西洋國貢

使回國。兵部給口糧驛遞夫船。部仍差官伴送。至廣東。交該督撫差官護送出境。二十三年。暹羅國進貢員役回國。有不能乘馬者。官給夫輜。從人給舁夫。又覆准。除護送來京官外。特差本部司官筆帖式各一人伴送。四十七年。暹羅國入貢。其副貢船被風漂至安南地面。續至粵西。仍差官伴送至京。五十一年。

諭聞朝鮮沿途館舍傾圮。進貢奏事人員甚為勞瘁。著該地方官修葺堅固。六十一年。奏准暹羅貢使回國。遣禮部漢司官一人伴送。雍正三年。西洋

教化王入貢奉

旨。其來使賜燕畢。差司賓序班一人。伴送至廣東。該督撫差官護送出境。○四年

諭。從前安南國遣使來京。朕曾降旨。令經過地方。於一切供給日用之物。酌量增加。令其充足。今琉球國使臣前來。著照此例。○又覆准琉球國王齋表謝

恩。員役回國。照例差司賓序班。給予驛遞。伴送至福建。交該督撫送至邊境。○是年。蘇祿國王遣陪臣航海。奉表入貢。奉

旨。蘇祿國遠在海外。隔越重洋。從來未通職貢。今輸誠

嚮化甚屬可嘉。閩省起送來京之時。著沿途地方官護送。照看應用夫馬食物。從厚支給。○五年議准。西洋博爾都噶爾國王感被德化。遣使來京。不比尋常進貢。所帶貢物。令其由水路來京。其來使從人。願帶來京者。聽願留粵省者。令該地方官從豐撥給房舍食物。○又奏准。該國初次進貢。遣內務府郎中一人。同在京居住。西洋人一人。往迎來使。至回國時。仍遣前往迎之人伴送。由水路至廣東。交該督撫護送出境。○七年覆准。嗣後遇有差送使臣等事。令禮部堂官將行人

司與本部司官一同揀選引

見聽候差往。○是年老撾南掌國奉表入貢奉

旨。南掌國遠在西南徼外。從來未通職貢。今輸誠嚮化。甚屬可嘉。滇省起送來京之時。著沿途地方官護送。照看應用夫馬食物。從厚支給。○八年定南掌國貢使歸國。即著原護送來京之官送往。交該督撫照例送出邊境。○十三年覆准朝鮮貢使入京。沿途館舍量加修葺。並令迎送官不限程途。於人煙輳集之邨莊賃店投宿。○乾隆三年奏准安南國使臣從前皆由陸路來京。後改由水路。

今值冬令冰凍水路難行。聽由陸路至江南換船。○五年蘇祿國王遣番目人等奏請朝貢奉旨。蘇祿國隔越重洋道路遙遠。該國王傾心嚮化。著准其所請。俟使臣來時。地方官加意照看。○十四年覆准。朝鮮貢使入邊時。由鳳凰城城守尉率領官兵點驗入關。沿途官兵護送到京。回國之日。由部行文兵部。差旗員驍騎校各一人。官兵二十名。給官兵告示一道。毋許沿途私買禁物。令其遞行護送。其沿途住宿。令地方官計其人馬數目。豫備店舍。仍令護行官兵日間看守店門。如

該國人役。購買物件。檢點出入人數。撥兵跟隨。稽防違禁物件。夜間更番巡邏。僮內地旗民。窺探句引。卽拏稟地方官。立時究治。或迎送通官。與該國人稔熟。附和生事。許地方官申詳府尹。或地方官豫備店舍不周。許護行等官揭報府尹。或護行官檢點看守不周。及撥兵短少。許迎送通官揭報將軍。或護行官縱兵擾累地方。許該管旗民官揭報各該上司。皆行咨部議處。○十五年覆准。朝鮮貢使人邊。將帶來行李。及貿易貨物報明。查驗車馬數目。沿途按界。委地方

官催趲車輛與貢使一同按程行走。仍令各界地方官於報單內註明經過日期。以便稽察。若途中車馬損乏。即令前途豫為雇覓。並小心防範。毋使行李貨物遺失。如朝鮮員役有託故落後者。責成迎送通官。如催趲車輛不力。致朝鮮人行行李貨物。或有疏虞。專責成該管旗民地方官。○三十一年奏准。伴送暹羅國貢使司員湯永祚。攜帶伊子同行。沿途滋事。託雇民夫。並將德安縣家人鞭責。特參治罪。奉

諭。嗣後如有此等情事。該撫一面參奏。一面即將差員

撤留。另派妥幹知府同知一員。前往伴送。著為令。○  
三十五年奏准。嗣後琉球入貢。自閩起程。日該  
撫遴選同知通判一員伴送。一面知照前途地  
方官。豫備夫馬船隻。其伴送官員。按省更換交  
代。毋須一人長送。以免隔省呼應不靈。並不得  
任派舉人試用官員。如來使沿途有整頓行裝  
及守風守凍。須停留者。該伴送官會同地方官  
申報咨部查覈。各省凡有外國入貢者。均照此  
辦理。○三十六年議准。鳳凰城守尉所屬有防  
禦七員。與迎送官品級相同。嗣後朝鮮國人進

京將至鳳凰城時。令城守尉即於防禦內酌派明白幹練者一員。作為迎送官。所有原設迎送官三缺俱行裁汰。○又奏准嗣後朝鮮國人至鳳凰城時。辦理供給食物。稽查等事。令於防禦內派出一員承辦。所有原設主客官一缺即行裁汰。○又

諭。據奏南掌國遣使貢象到滇。派員伴送起程。並未詳查新例。仍照上屆辦理。實屬錯誤等語。該部因福建伴送琉球貢使到京逾期。議令派出伴送之員。按省更替。毋許一人長送。意在防其沿途稽滯。而未能切

當事情如福建之於琉球。雲南之於南掌。貢使初至。該省皆有應行照料事宜。既派有承辦伴送之員。即當始終其事。而派員於貢使伴行日久。一切與之相習。途中屢易生手。亦覺非宜。若慮派員在路託故遷延。止須於經過各省。添派妥員護送趨行。自不虞其任意遲緩。所有外國貢使來京。及由京歸國派員伴送。及各省添員護送之例。著該部另行定議具奏。欽

此遵

旨議定。嗣後各省貢使到境。該撫即於同知通判中。遴委一員。應用武弁者。並酌派守備一員。長行伴

送至京俾沿途照料彈壓。並一面知照經過各省。豫行添派妥員護送。趨行按省更替。庶不致委員逾省。呼應不靈。其回國時。仍令原派員長送。經過各省。亦仍委妥員護送出境。再朝鮮貢使。現經奏准用鳳凰城防禦一員伴送。毋庸更議。至琉球蘇祿安南等貢使回國。向例禮部揀選司員引。

見派出伴送。今各省貢使既議有伴送來往之同知等官。又有沿途委員護行。已屬詳慎。所有禮部司員伴送之處。嗣後停止。以歸畫一。○三十七

年奏准嗣後直省伴送外國貢使同知通判等官照運解官之例由部帶領引

見

其引  
撫於吉內聲明毋庸帶領

見未滿三年者該 ○四十一年奏准嗣

後伴送外國貢使務選派諳練人員不得以甫經出仕到任未久者檄委伴送○五十八年

諭現在英吉利國貢使瞻觀事竣即令起程由內河水路前赴廣東澳門附該國貿易船隻放洋回國已派侍郎松筠沿途照料所有經過各省須專派大員管領兵弁接替護送直隸省著派慶成山東省著派富成江南省著派王柄江西省著派王集廣東省著派

托爾歡各該員務須迎至入境交界處所協同照料  
管束。○嘉慶元年奏准伴送安南貢使來京之知府  
奉

旨休致其貢使回國即令原派之都司伴送前往。○又  
覆准嗣後解送外國貢物之員毋庸與伴送貢  
使者一律辦理送部引

見○八年

諭前因伴送越南貢使來京瞻觀之雷瓊道慧林患病  
未愈特令留京王大臣傳到該員察看病勢情形茲  
據覆奏慧林現在精神疲軟旦夕未能痊愈所有伴

送越南貢使回粵。請另簡大員護送等語。越南貢使不日即須起程。知府銜同知陸受豐由廣西協同伴送貢使來京。一切尚為熟悉。此次即著陸受豐伴送回粵。令沿途經過各督撫各派道員於交界處所接替照料。○九年

諭。前據阮福映具表啟關。籲請錫封。業經加恩封為越南國王。撫有交南。備位藩服。因思從前隨同黎維祁內投。編置佐領之安南人等。雖經給有廩糈。團聚安居。但遠離鄉土。已閱多年。情殊可憫。著加恩准令回國。以遂其懷歸之志。並可將黎維祁骸骨還葬故墟。

俾正邱首著該旗都統等按照冊開安南人戶佐領一員傳旨賞給銀十兩。驍騎校一員賞銀八兩。領催以下男婦大口每人賞給銀五兩。小口每人賞給銀三兩。均於廣儲司庫支領給發。令其分起行走。沿途資送廣西。交與巡撫百齡遣送出關。知會該國王收領。除江甯安插者已諭知陳大文遵照辦理外。其在熱河張家口者。著該都統等即查照送京。交該旗一例遣送。至前經發往奉天黑龍江伊犁等處之安南人等。並著該將軍等查明釋回一體賞給資送粵西。遣令出關。以示格外矜恤至意。○十七年奏准緬甸

國貢象例斃一隻。將解送不慎之守備等降一級留任。准其抵銷。○十八年奏准伴送琉球貢使來京委員到京遞延。交部議處。○二十一年

論。此次英吉利國遣使入貢。其使臣瞻觀宴賚事竣。遣令回國。著於通州乘船。由運河行走。經過山東江蘇浙江而上。由安徽江西過大庾嶺。至廣東畧門放洋。已派蘇楞額廣惠沿途照料。所有經過各省直隸著派臬司盛泰山東著派藩司和舜武江蘇著派藩司陳桂生安徽著派臬司郭良江西著派臬司玉轅各於入境接護。至出境交替。並著該督撫於副參將內

酌派一員帶領弁兵隨同派出之藩臬按程護送彈壓該貢使出境後該藩臬各將行走照料情形自行具奏一次廣東着派臬司明山並着將攸銛派委總兵一員帶領弁兵於交界處接護送至臬門該貢使登船後該督撫專摺奏聞○又

諭本日英吉利國貢使瞻覲之期正貢使羅耳阿美士德已到宮門忽患重病不能行動副使亦俱患病竟係無福承受天朝恩賚該貢使等著即日遣回該國王表文亦不必呈覽其貢物俱著發還所有該貢使行程及沿途伴送彈壓之處仍遵照前旨行○二十

五年

諭。向來護送外國貢使來京之文武官員。皆由該部帶領引見。應遞摺請訓者。於述旨後再行請訓。因思文職知府以上。武職總兵來京者。例准遞摺請訓。嗣後此項護送官。除文職同知以下。武職副將以下。仍由該部帶領引見外。其文職知府以上。及武職總兵。俱令於事竣時自行遞摺請訓。不必先行引見。以省繁文。其道府內有升補後未經引見者。仍照例由該部帶領引見。此次廣東護送暹羅國貢使來京之廉州府知府何天衢。即著毋庸引見。飭令該員自行遞摺

請訓。○道光四年奏准緬甸國進馴象在途倒斃三隻。將委員等交部察議。○十二年

諭。外藩遣使進貢。前經降旨飭令伴送官沿途照料。安速行走。務於十二月二十日以前到京。以符定制。今琉球貢使於本月二十三日到京。該伴送官等未能安速照料。依限趕到。實屬遲延。著吏兵二部將文武伴送各員查取職名。照例議處。○十六年

諭。給事中陳功奏驛站積弊一摺。據稱上屆越南國貢使入關。所過廣西廣東湖南湖北各省。每站人夫用至四五千名。推原其故。皆由各員弁任聽家丁私帶。

貨物箱隻。且有赴補。赴選。佐雜。武弁等員。及幕友。長隨人等。附搭同行。名為搭差。又曰搭貢。附搭者。圖其便安。私帶者。利其津貼。以致沿途備辦行館地方。不勝擾累等語。各直省設立驛站。原以備辦傳遞公文。及奉旨馳驛辦公之用。應需夫馬。自有定例。豈容任意濫派。假公濟私。明年係越南國例貢之期。積習相沿。恐不免仍有前項情弊。著梁章鉅於該國使臣起行之日。酌定護送各官。應用人夫多寡。沿途牌飭。總期無誤行期。不准再有私派附搭之弊。並著知會各該省督撫一體嚴查。毋任隨途附搭。以免擾累。至上

屆越南貢使入關經過廣西。所用人夫。是否有四五千名之多。著梁章鉅查明據實具奏。○十七年

諭。前因給事中陳功奏。上屆越南貢使入關經過廣西等省。每站人夫用至四五千名。並有搭差搭貢等弊。當有旨令梁章鉅查明具奏。茲據奏稱該國貢使向係查給勘合傳牌。由各州縣應付。上屆所稟夫船數目。均與向定章程相符。並無赴補赴選佐雜武弁等員。及幕友長隨裝載私貨。搭貢搭差各名目。實無濫派人夫等語。越南貢使進京。廣西省向俱派委文武大員。稽查彈壓。沿途應付人夫船隻。自應照例付給

不得假公濟私。致滋擾累。現雖據該撫查明並無前項情弊。惟文武委員均有隨從家丁人等。難保無藉差滋擾情事。本年該國貢使進京。現已開闕。該撫惟當於該使起行之日。酌定護送各官。應用人夫數目。妥為伴送。不得稍有浮冒。仍隨時嚴密查察。僮護送文武官員。並該家丁人等。仍有私帶貨物及間雜人等。隨途附搭等事。即著梁章鉅嚴參懲辦。其經過各省督撫。亦著一體認真稽查。照例辦理。以肅驛政。而杜弊端。○又

諭。昨日禮部將伴送越南國貢使之廣西署梧州協副

將新太協副將那齡阿帶領引見該員年逾七旬精力衰頹難期振作該督撫早應甄別或奏請勒休或送部引見請旨即伴送貢使沿途照料亦應派委精明強幹之員何得以衰邁庸員充選那齡阿著以原品休致鄧廷楨梁章鉅均著傳旨嚴行申飭所有越南國貢使著派郭繼昌伴送出京沿途小心照料鄧廷楨接奉此旨迅即遵派妥員趨程迎出無論行抵何處迎著後郭繼昌即交與派出之員帶往自行馳赴新任○十八年奉

旨暹羅國伴送官副將達里保已放宜昌鎮總兵貢使

回粵者各直省督撫沿途遵委武職大員接遞護送  
○二十二年奏准琉球貢使逾限到京將伴送  
官交部議處○三十年三月

論。藩服使臣入貢。所有到邊過境到京一切備辦供具  
定例極為周密。自宜恪守成規。妥為備辦。方足以昭  
體制。著各該省督撫於使臣過境嚴飭所屬。務按站  
妥備夫馬。毋令缺乏。備供給之外。護送人等藉端夾  
帶貨物騷擾地方。即著該地方官指名奏。所有派  
員伴送。節經奉

旨不准以衰庸之員充數。著各該督撫懍遵

聖訓慎加遴選。不得以衰邁庸員。率行派委。如仍積習相沿。致失懷柔之意。必將中外司事各員。重懲以恤。藩封而肅體制。○咸豐二年

諭。徐廣縉等奏。暹羅國王遣使補進例貢。並請敕封。現已行抵粵東等語。上年暹羅國屆當例貢之期。奏請呈進。曾降旨令候請封時一併呈遞。茲據該國遣使齎奉表文方物。補行入貢。具見恭順之忱。該貢使現已抵粵。著即派委妥員伴送。於本年封印前抵京。其該國大庫所請將貢船先行回國修整。著照所請行。

○三年

諭。李德奏參護送貢使各員沿途騷擾。請交部嚴議。一  
摺廣東潮州府知府劉濤。惠州府知府蘇學健。升補  
督標參將雷樹勳。護送暹羅國貢使由山東進京。沿  
途需用車馬人夫。較別項差使多至數倍。現當軍務  
倥傯之時。豈容該委員等藉差騷擾。貽累地方。劉濤  
蘇學健雷樹勳均著交部嚴加議處。並著該部將該  
國使臣折回應用之車馬人夫船隻。覈定數目。飛咨  
各省支應。其護送委員車馬等項均著自行發價。不  
准取給地方。○同治八年奏准。伴送琉球委員知府

沈定均。尚未引

見。援照嘉慶十六年成案。由順天府另派委員伴送起程。○十三年奉准。嗣後朝鮮貢使定於何日過江。先期知照鳳凰城守尉。酌撥馬隊一軍。前往中江口岸迎護。俟其入境。再照向章。沿途各城旗民地方官。撥派兵役接替往返護送。該員役由京回國。行抵鳳凰城。亦令報明該尉。出派馬隊官兵。保護出邊。送抵江岸。○光緒元年

諭。奉省押送朝鮮進香貢物之佐領恩倖。驍騎校塔隆阿。於五月初三日接領。至六月初五日始行起

程迺該員等擅行改由水路行走。恩俸竟敢隻身由旱路赴京。塔隆阿獨押重件。由水路繞道。以致兩月之久。尚未到京。該員等通同舞弊。難保無藉端需索情事。實屬謬妄。恩俸塔隆阿均著先行革職。並著崇實等查明此項貢色。究在何處逗遛。該員等如有需索等弊。即行從重叅辦。毋稍寬貸。

市易。○崇德年間定。凡鳳凰城等處官員人等。往義州市易者。每年定限二次。春季二月。秋季八月。甯古塔人往會甯地方市易者。每年一次。庫爾喀人往慶源地方市易者。每二年一次。由

部差朝鮮通事官二人。甯古塔官。驍騎校。筆帖式各一人。前往監視。凡貉。獾。騷鼠。灰鼠。鹿狗等皮。許其市易外。貂。水獺。捨狝。獾。江獺等皮。不許市易。定限二十日即回。○順治初年定。凡外國貢使來京。頒賞後。在會同館開市。或三日。或五日。惟朝鮮琉球不拘期限。由部移文戶部。先撥庫使收買。咨覆到部。方出示差官監視。令公平交易。○又定。外國船非正貢時。無故私來貿易者。該督撫即行阻逐。○又定。正貢船未到。護貢探貢等船。不許交易。○九年定。朝鮮國人來京。

貿易者奏

聞方准貿易。○十六年題准暹羅國再來探貢所帶  
壓船貨物。就地方交易。其抽丈船貨稅銀清冊  
移送戶部察覈。○康熙二年。荷蘭國助勦海逆  
並請貿易。奉

旨。著二年貿易一次。○三年定。凡外國進貢順帶貨物  
貢使願自出夫力。帶來京城貿易者。聽如欲在  
彼處貿易。該督撫委官監視。毋致滋擾。○五年  
奉

旨。荷蘭國既八年一貢。其二年貿易永著停止。○二十

四年定外國貢船所帶貨物停其收稅其餘私來貿易者准其貿易聽所差部員照例收稅○又定番船貿易完日外國夷人一併遣還不得久留內地○又定貢船回國帶去貨物免其收稅○二十五年定荷蘭國止許在福建廣東兩省貿易完日即令回國○二十八年定內地商民船至朝鮮者停其解京除原禁貨物外聽其發賣回籍仍將姓名籍貫人數貨物於貢使進京時彙開報部如其船遭風破壞難以回籍令該國王將人口解送至京○四十七年覆准暹

羅國進貢馴象船。其壓船貨物。願自出夫力帶  
來京城貿易者聽。如欲在廣東地方貿易者。該  
督撫委官監視。其交易貨物數目。及監視官職  
名。造冊報部。壓船貨物。照例停其徵稅。○五十  
六年

諭。海中東洋可往貿易。若南洋不可令往。紅毛等國船。  
聽其自來。欽此。遵

旨議定。南洋呂宋噶喇吧等處內地商船。概不許前去。  
其外國夾板船。聽其前來貿易。○六十一年覆  
准。暹羅國王進貢表文內。奏請海洋通舟來往。

貿易者。遵五十六年定例行。○又奉

旨。朕聞暹羅國米甚豐足。價亦甚賤。若於福建廣東甯波三處各運米十萬石來此貿易。於地方有益。此三十萬石米。乃為公前來。不必收稅。禮部問暹羅使臣定議具奏。欽此。遵

旨。會問來使。據稱該國米用內地斗量。每石價值二三元。今議定。載米到時。每石給價五錢。除為公運三十萬石。不收稅外。其帶來米糧貨物。任從貿易。照例收稅。○雍正元年。覆准暹羅貿易船。被風漂至浙省。其貢使請遣貢伴赴浙。就便發賣。

行令該撫委官監看。並將原船交貢伴領回。

二年

諭暹羅欽遵

聖祖仁皇帝諭旨運米。令地方官照粵省現在時價速行發賣。不許行戶任意低昂。今部議每石定價五錢。賤買貴賣。甚非朕體恤小國之意。著行文浙閩。此次已到之米。及該國現今發運續到者。皆照粵省之例。嗣後令且暫停運米。俟有需米之時。降旨遵行。其壓船隨帶貨物。本應照例收稅。但該國王實能輸誠嚮化。冒險遠來。此次應徵稅銀。一概免徵。○四年覆准。

暹羅國前經奉

旨。停其運米。所差探貢二船。帶來米及貨物。由該國起行時。尚在未奉

旨之先。既涉險遠。來聽其就近發賣。乘風信還國。○五年。暹羅國商民運米至閩奉

旨。所運之米。不必上稅。永著為例。○六年。暹羅商民運米至福建浙江奉

旨。不必上稅。永著為例。○乾隆元年

諭。朝鮮歸順我朝。恪守藩封之職。累世恭謹。向來八旗臺站官兵。於每年二八月。攜帶貨物。前往中江與朝

鮮貿易。朕思旗人皆有看守巡查之責。無暇貿易。且亦不諳貿易之事。遠人到邊。恐致稽遲。守候多有未便。嗣後著內地商民與朝鮮國人貿易。即令中江管稅官實力稽查。務須均平交易。毋得需索滋擾。○二年。朝鮮國王奏請中江貿易。令內地商民多有未便。懇照舊例奉

旨。著照所請。仍循舊例。與兵丁按期交易。○八年諭。上年九月間。暹羅商人運米至閩。朕曾降旨免徵貨船稅銀。聞今歲仍復帶米來閩貿易。似此源源而來。其加恩之處。自當著為常例。著自乾隆八年為始。嗣

後凡遇外洋貨船來閩粵等省貿易帶米萬石以上者著免其船貨稅銀十分之五。帶米五千石以上者免其十分之三。其米聽照市價公平發糶。若民間米多不需糶買。即著官為收買。以補常社等倉。或散給沿海各標營兵糧之用。俾外洋商人得霑實惠。不致有糶賣之艱。○二十四年覆准朝鮮國王咨請貿易人。查人。遼係該國素產。縱偶缺乏。亦非常有之事。即據該國王所援順治十年舊例。亦止買用藥材。並未請買人。遼。未便據咨辦理。○二十七年議准暹羅國上年貢物沈溺。免其補進。復

遣探貢船呈請代謝

天恩所有壓艙貨物。因多微溼。准其先行發賣。免徵稅銀。○三十八年。奉准安南國貢使路過江甯。購買紬緞。向無禁例。但聽其私相交易。鋪戶不無藉貨居奇。貢使亦難保其必無爭較。自應官為經理。以杜弊端。嗣後令將需買貨物。開單呈交地方官。傳集鋪戶。分領織辦。官為查催。○五十七年。議准安南國王仰慕

天朝文物采章。欲向江南購織袍服等物。該國王咨稱。所需物件式樣。必得專人帶式。親赴購織。請

給牌照通行等語。是該國王意欲專差多人來至內地辦織。其需用物件既多。織製必需時日。差來工匠。給予牌照。或借製辦為名。到處逗遛。恐致別生事端。查該國二年一貢。遣使時常往來。所需袍服等物。應即令順道買回。以歸省便。此後該國遇有購買物件年分。應先期呈明督撫具奏。准其改由江甯水路行走。如無購買之事。照舊由湖廣河南一帶進京。其需買物件。仍照原定章程。交地方官辦理。○五十九年奏准呂宋國商船往廣貿易。在洋遭風。漂至閩省。該

番民等情願在廈口輸稅交易。派員督令殷實行保公平交易。事竣遣令回國。○又

諭。據奏荷蘭國貢使搭坐商船來粵。船商吉時現已裝貨完畢。放洋。業據吉時將入口出口船料稅銀等項全數交納。荷蘭國貢使遠來納賚。恭順可嘉。所有該貢使搭坐商船除進口貨物照例納稅外。其應納船料及出口買帶貨物。著加恩免其交稅。今此項出口船料等稅業據全交。著俟該貢使回國時仍令給還。以示柔遠懷來至意。○咸豐七年奏准朝鮮帶來紅銅四千餘斤。援附載方物至京貿易之例。聽其

在會同四驛館交易。○光緒八年奏准將會甯慶源地方監視交易。悉行停止。惟會甯慶源等處互市。業經議准於鴨綠江對岸柵門與義州二處。圖們江對岸琿春與會甯二處。聽邊民隨時往來交易。本年輪屆會甯交易之期。恐該處商民因無官員約束。別滋事端。應由

盛京將軍奉天府府尹吉林將軍等。先行就近派員會同朝鮮官妥為經理。

欽定大清會典事例卷五百十一

禮部

朝貢 禁令一

禁令。崇德二年定。凡內地人口。逃往朝鮮者。行令該國王解送。順治元年議准。外國餽送該督撫禮物。永遠禁止。又議准。朝鮮一應事宜。不許越奏。

御前。敘功等事。申吏部。地畝倉庫錢糧等事。申戶部。朝賀貢獻婚娶等事。申禮部。軍務逃盜等事。申兵部。辭訟告首等事。申刑部。修理城池邊關等

事申工部。其應申各部之文。均禮部轉發。○又議准。凡外國貿易。不許收買史書。黑黃紫阜大花西番蓮緞。並一應違禁兵器。焰硝牛角等物。各行戶人等。將貨物入館交易。染作布絹等項。立限交還。如有賒買。及故意遲延欺詐。致外國人久候。並私相交易者。會同館內外四鄉軍民人等。有代外國人收買違禁貨物。及將一應兵器銅鐵違禁等物。賣與外國人圖利者。各問罪。貿易時。禮部出示曉諭。○又定。外國貢使歸國。伴送人員。不許將違禁貨物。私相貿易。○康熙

五年定。凡外國奏疏不得交遣往使臣帶來。令專差官交該督撫轉奏。○又遣學士齋

教諭朝鮮王。所與奉使臣禮物先已減免。今慮仍煩百

姓特再酌減永為定例。

正使銀五百兩。錦絨布二百尺。字布六十尺。豹皮十。獺皮

三七。青香皮十五。鹿皮七。大紙五十卷。小紙百卷。花席二十。順刀二把。小刀十把。被褥一副。鞋

襪各一雙。韋馬開馬各一匹。副使減銀百兩。餘

同。一等人役銀百兩。錦絨四十尺。布百尺。小紙

八十卷。二等八人役。銀六十兩。錦絨二十六尺。布

二十尺。布五十尺。小紙六十卷。各被褥一副。○又議准安南國給送

奉使官路費銀布絹等物。令其收受。餘物概不  
准收。○六年議准外國投文各省。該督撫即開

閱原文議題。○又覆准督撫提鎮等官。不准擅自移文外國。○又題准荷蘭國違例從福建入貢。除今次不議外。嗣後遇進貢之年。務由廣東行走。別道不許放入。○二十四年覆准貿易番船回國。除禁物外。不許附載內地人口。及潛運造船大木鐵釘油麻等物。糧米止准酌帶口糧。不許多販。貿易畢。回國時。該督撫委官查禁。○又覆准內地人口。有流落外國。願附船回籍者。聽其歸還。具報該地方官。查明准回原籍。○又覆准內地貿易商人。來往大洋。所帶防身軍器。

火礮等項。照船之大小。人之多寡。該督撫酌量定數。起程時。給予照票。令海口防守及收稅等官。稽查數目。准其帶往。回時。仍照原數驗入。三十年。議奏。朝鮮國進貢正使及通官。私買一統志書。通官革職。發其國邊界充軍。正副使書狀官奉

旨。從寬免議。書貯庫。四十年。覆准。漁採船並貿易人等。至朝鮮國侵擾地方。令查驗船票人數。姓名籍貫。開明報部。轉行該地方官。從重治罪。並行文各該撫。嚴飭沿海地方官。有以海上貿易漁

採為名。往來外國。販賣違禁貨物。肆行侵擾者。嚴行禁止。○四十三年。

諭朝鮮國王。敬慎夙著。其國人越境行劫。隨經拏獲。監禁。奏請勘斷。不必遣大臣查審。即令該國王審明。擬結具奏。○又覆准朝鮮國人。二次越境過江殺人。掠取緞帛人。漫等物。除各犯正法外。其地方官各革職。免其發遣。該國王即行拏獲。勘斷奏請。從寬免議。○四十八年。朝鮮貢使。行至玉田縣。被盜竊去本章副本。將該地方駐防官員議處。其朝鮮貢使。奉

旨從寬免交該國王治罪。○四十九年

諭海賊被勦。餘黨散走。恐朝鮮不知情由。謂大國之人不敢設備。反受侵掠。著曉諭該國沿海地方。用心防守。○五十年覆准。朝鮮國與奉天府金州復州海州蓋州相近地方。令

盛京將軍奉天府尹。嚴飭沿海居民。不許往朝鮮近洋漁採。或別地漁採人到朝鮮境。亦令捕獲解送。若違禁漁採。及不能捕獲者。從重治罪。該地方官一併議處。○五十一年

諭朝鮮海洋漁採船。曾經申飭嚴緝。今尚有船至朝鮮

邊界捕漁。是即海寇。嗣後許該國即行追勦。如有生擒者。即速解送。毋因內地之人。以致遲延。○又朝鮮國民。越江殺人。掠取人。貨等物。差官往鳳凰城。會同該國陪臣。審明各犯。交該國王擬罪正法。奉

旨。本朝例。兄弟皆擬正法者。存留一人養親。此案罪犯。有親兄弟三四人。亦照此例。存留一人養親。可傳諭該國王遵行。○五十四年。覆准。嚴禁漁採及私行越江之人。行文

盛京將軍。奉天府尹。及山東。江南。福建。浙江。廣東。

督撫申飭沿海水師營嚴拏治罪。並咨朝鮮國王亦令嚴飭該國沿邊官兵。不時巡查。如有犯越民人。即行拏獲解送。○又覆准。琿春之庫爾喀齊等住處。與朝鮮止隔土門江。居人太近。恐往來生事。將安都立他木努房屋窩鋪。即行拆毀。與甯古塔移去官兵之屯莊。皆令離江稍遠居住。嗣後沿邊近處。蓋屋種地。嚴行禁止。如有違禁。兵民從重治罪。該管官題參議處。移咨甯古塔將軍。並知會朝鮮國王。○又覆准。朝鮮解到越江人一名。除照越度關塞例治罪外。移咨

盛京將軍查明此處巡邏官兵。交部議處。○又朝鮮貢使回國。從人違禁。潛買黑角弓材。至鳳凰城。按出。該國即行呈報。奉

旨。交該國王審明具奏。○五十六年覆准內地人民。嗣後或飄風至朝鮮國。有票文未生事者。仍照例送回。若並無票文。私自越江生事。許該國王緝拏。照其國法審擬。咨明禮部請

旨。俟

命下日。行文該國。即於彼處完結。仍報部存案。○六十一年覆准暹羅國奏稱。彼國有二紅皮船。前

因禁洋被留令廣東督撫查明交貢使帶回其在廣駕船水手人等係內地者各發原籍安插係暹羅夷人令隨船回國。雍正二年

諭暹羅國來船梢目雖係廣東福建江西等省人民然住居該國已經數代各有親屬妻子實難勒令還歸著照所請仍令回國居住。○六年

諭據朝鮮國王咨禮部文稱本國賊黨恐有潛逃懇飭關口防汛訶察等語朝鮮世效恭順彼國逆犯即係朝廷法所應誅之人著行文盛京山東等處邊界地方官員朝鮮語言衣服與內地迥別易於稽查儻有

此等罪犯潛逃者。著即嚴拏解京。如有窩留藏匿等情。是明知故犯。定將本人從重治罪。十家一併連坐。

○七年

諭據禮部奏朝鮮國王咨稱其國居民七人冒越疆界。將節度等官革職拏問定罪等語。愚民圖利冒越疆界。即內地之人亦間有此。該管官失於覺察。其過尚小。今該國王擬以革職拏問處分太重。嗣後凡遇刑罰案件。務期準情酌理。輕重允當。著行文該國王知之。○又暹羅國貢使呈稱。

京師為萬國所景仰。國王意欲令伊等觀光。

上國偏覽名勝回述以廣見聞奉

旨不必禁止著賢能司官帶領行走仍賞銀千兩若所喜物件聽其購買又呈稱奉國王命本國所產馬匹甚小久慕

天朝所產馬駝羸驢之高大請各買三四匹回國奉旨著照所請准其購買所買價值著內庫支給○又福建撫臣奏稱暹羅國王今貢使採買東京弓二十張紅銅綫十擔應否准其採買部議以違禁不准具奏奉

旨暹羅遠隔重洋恭順修職歷有年所其請採買物件

該撫採買賞給。○九年。

盛京將軍奏請於草河斃河匯流入江之莽牛嘴  
設立水路防汛奉

旨。朕思該將軍所奏設立水路防汛之處既與朝鮮連  
界著該部行文詢問該國有無未便之處俟奏到日  
再議欽此。嗣據朝鮮國王咨稱懇請仍遵舊例經部  
轉奏奉

旨。前據盛京將軍奏請設立水路防汛於草河斃河等  
處朕因與朝鮮連界降旨詢問今著照該國王所請  
不必增設防汛。○十三年

諭朝鮮感戴我朝之恩。虔修職貢。甚為恭敬。凡大臣官員。差往彼國者。向有餽送舊例。朕以厚往薄來為念。著從此次詔使始。凡餽送白金儀物等項。悉按舊裁減一半。永著為例。○又議准朝鮮國人越境搶劫人。漢殺傷人命。照例令該國王分別定議治罪。除首犯三人奉

旨正法。餘犯及約束不嚴之官員。皆援本年九月初三日

恩詔。赦免釋放。該國王將兇犯多人。全數拏獲。免其議

處。○乾隆元年

諭嗣後凡出差朝鮮使臣回京路經奉天及山海關等處著該將軍及監督稽查儻有於正禮外多帶儀物者即行參奏若代為隱匿將來發覺一併議處○又諭朝鮮歸順我朝恪守藩封之職蒙我

列祖

皇考怙冒深恩至優至渥即如貢獻一節屢經裁減厚往薄來無非加惠遠人之至意朕即位以來又將該國餽送使臣儀物諭令減半以示體恤乃使臣等於正禮外復照舊日陋規開都請別請兩單私相授受其罪固不可逭而該國王即照陋例應付亦屬不合

若能體朕心。自當以恪遵諭旨為恭。不當以私厚使  
臣為順也。著禮部行文該國王。嗣後凡有奉差彼國  
務宜遵朕前旨。將餽送正禮裁減一半。至陋規等項  
悉行禁止。不得私與。既干功令。復負朕懷遠之恩。

是年暹羅國貢使呈稱。銅器自奉禁後。彼國乏  
用。懇

恩許其赴粵採辦。奉

旨。該國王稱。銅係造佛送寺之用。部議照例禁止。固是。  
今特加恩賞給八百斤。後不為例。○二年議准。安南  
國餽送封使禮物。令奏明收受。○四年覆准。朝

鮮國使臣出入關口。通事及迎送守關等官。不得索取土物陋規。及沿途抑勒。不令在大莊寬房住宿。該將軍嚴行督禁。如有犯者。參奏治罪。○五年題准。朝鮮國民金時宗。雖係私越疆界。與內地民人王高士等。彼此往來。結幕住宿。有犯禁限。但尚無劫殺重情。應將金時宗等。照越度緣邊關塞。因而交通外境者律。擬絞監候。秋後處決。○又定。朝鮮人犯。經刑部擬監候者。行文該國王。照例監候。俟明歲由刑部入於秋審冊內。覈擬具奏。○又題准。甯古塔將軍咨稱。拏

獲越境朝鮮人。西嫩達伊年等二十五名。均係覓食窮人。解交

盛京將軍。俟朝鮮貢使帶回。○又題准朝鮮國王咨稱。拏獲越邊民人鄭世弼。宣明等。既該國王嚴加質訊。皆係覓食窮民。並無採蕩及越邊情弊。免其治罪。○七年

諭朝鮮國民人。越境犯法。屢荷寬典。乃朕格外之恩。若無知之人。見屢次從寬。漸流於縱肆。則犯法者轉多。非朕保全外藩民人之本意矣。該國王當嚴加約束。不時稽查。俾各安分。不致再罹法網。○九年

諭內地人民違禁冒出朝鮮地方生事原奉

皇祖

皇考諭旨准該國王即行追拏擒送使匪類知懼今據該國王咨稱昨年春間有撐船人等成羣出來幸將軍遣兵追捕不意今夏又復採獵行走此等違禁越境之人即應遵奉

皇祖

皇考諭旨於此時擒拏解送或即飛咨盛京將軍嚴拏務獲乃國王自行疏縱但具文咨部懇請轉奏以致曠日持久匪類遠颺殊屬不合該部可傳旨該國王

並行文盛京將軍嚴拏務獲毋得忽視。○十一年朝  
鮮國奏稱。莽牛哨增設汛兵。並柵外起墾。懇請  
停止等因奉

旨。朕思加恩朝鮮。從來優渥。今莽牛哨增設兵丁巡查  
一事。既經勘明。與該國界址無慮混雜滋擾。且於內  
外均屬有益。而該國王又陳奏其不便。情辭懇切。究  
未知該地實在情形如何。著詳加查勘。如果在中國  
界內。則設兵置汛。以杜姦宄。所以肅靖邊防。自屬應  
行之事。即該國王懇請。亦不便准行。若其地界或有  
犬牙相錯。難免混淆之處。亦即據實奏聞。候朕別降

諭旨。至從前議展邊墾土一案。該國王既稱鳳凰城樹柵之外。向留空地百餘里。務使內外隔截。以免人煙輳集。混雜滋事之患。此奏尚屬可行。著將鳳凰城展柵之處。照所請停止。○又奉

旨。朝鮮國王世戴國恩。甚屬恭順。若莽牛哨設汎。彼國無知小民。儻有違禁者。恐致獲罪。是以奏請。其安設此汎之處。雖有江灘分界。不過一二里之遙。相隔甚近。如彼屬下人等。不能遵奉該國王禁令。以致該國王得罪。朕心有所不忍。著照所請。莽牛哨增設汎兵之處。停止。令該國王將所屬人等。嚴加約束。至於查

拏內地偷越之人。並應行咨報之處。仍照原議實力奉行。不必交部再議。○十二年題准。朝鮮國跟役私同內地旗人。越邊買馬。照律定罪外。該國王即將失察之貢使書狀官聲明革職。免其察議。○十三年覆准。朝鮮國王咨稱。日本關白新立。該國照例通使。○又朝鮮國人李云吉誘脅女口。越疆轉賣。照律擬絞監候。仍照乾隆五年定例。入於秋審冊內覈擬具奏。○又題准。朝鮮國王咨稱。彼國訓戎鎮越江東邊。有烏喇民人造屋墾田。照康熙五十四年定例行令甯古塔將軍。

確查禁止。所蓋房屋折毀。其違禁民人。及不行查禁之該管官。查明照例辦理。○又題准朝鮮人入山海關所帶貨物。如係彼國土產。該監督稽查。與鳳凰城總管印文相符。及出關所帶貨物。與本部劄付相符。仍免其輸稅。至印文劄付所開之外。如別帶物件。及不係彼國所產者。即照數按則輸稅。以杜沿途夾帶之弊。儻有查出違買禁物。該監督即行報部治罪。○二十二年。琉球國入貢。該國王以上年

遣使。棘封。所送封使燕金。固卻不受。附交陪臣齎進。奏

請

欽賜使臣奉

旨使臣奉命冊封自應仰體朕意不欲滋擾外藩所送燕金不必收受著仍令該國使臣帶回○二十四年

覆准嗣後粵東貿易夷船應令於銷貨歸本後依期回國若行貨未清願暫留澳門居住者聽夷商到粵歇寓責成官充行商送寓居住毋許出入漢姦地方官留心查禁夷商貿易凡應禁出洋之貨不得私行販運內地行店民人有違禁借貸勾結者照交接外國借貸誑騙財物例

問擬所借銀入官。夷商不得雇內地民人役使。有貪財受雇者。地方官實力嚴禁。夷商不得藉詞雇腳。致內地姦商往來交結。令呈明地方官酌量查辦。西洋人寄住澳門。遇有公務轉達欽天監。令夷目呈明海防同知轉詳督臣。分別咨奏。夷船收泊。夷梢衆多。向派外委一員。不足以資彈壓。應揀派候補守備一員。專駐該處。督同稽查。並酌撥槳船。巡邏彈壓。於夷船進口。派往出口撤回。又覆准。絲綿私出外境販賣。律有明禁。邇年浙江等省。絲價日昂。雖因年歲歉收。

出產未裕。亦因該處地近水濱。商民希圖重利。私販出洋貨賣。以致絲價日昂。嗣後嚴行禁止。儻有違例。按律治罪。○又議准。嗣後紬緞綿絹。私販出洋者。亦照絲斤例。按律治罪。○又議准。朝鮮民人趙自永等。越界掠殺內地民人。差官至鳳凰城會審。交該國王確查議罪。遵

旨將首犯一人。從犯五人。又另案越邊一犯。俱即行正法。賊銀追解入官。並將該管觀察使節度使等官革職。鍾城府使革職流二千里。該國王將兇犯即時拏獲。照例免議。○二十七年議准。蘇祿

國入貢。附請銅鐵硝斤及船匠駱駝驢隻。惟銅鐵硝斤。例禁出洋。內地船匠。亦無供番役使之理。即駱駝驢隻。雖無奉禁明文。擅自請賜。殊於體制未協。應令該撫明白諭飭。又

諭據奏英吉利夷商伯蘭等。以絲斤禁止出洋。夷貨難於成造。籲懇代表酌量准其配買。情詞迫切。一摺。前因出洋絲斤過多。內地市值翔躑。是以申明限制。俾裕官民織紵。然自禁止出洋以來。並未見絲斤價平。亦猶朕施恩特免米豆稅。而米豆仍然價躑也。此蓋由於生齒日繁。物價不得不貴。有司恪守成規。不敢

通融調劑。致遠夷生計無資。亦堪軫念。著照該督等所請。循照東洋辦銅商船配搭紬緞之例。每船准其配買土絲五千斤。二蠶湖絲三千斤。以示加惠外洋。至意其頭蠶湖絲及紬綾緞疋。仍禁止如舊。○又

諭安南世守藩封。夙昭恭順。朕心素所嘉予。乃者國王

黎維禱新嗣。特遣使臣持節往封。該國王於使臣莅境時。先請商五拜之儀。必待使臣駁定。始克如禮。未免狃於鄙俗。實為弗當。但念該國王一經使臣指示。即仍遵定制。亦可從寬。弗論。該部可傳諭該國王。俾知永遵三跪九叩之儀。毋再隕越。至其送使臣之物。

亦止應用該國土產如食品布幣之類已足將敬所  
有例備程儀銀兩究屬非體嗣後永行停止此次雖  
在末禁以前亦應發還俟該國謝恩使回之便令其  
攜往○二十八年奉

旨琉球國疏請配買絲斤部臣議駁自屬遵循例禁第  
念該國為海濱遠藩織紵無資不足以供章服據奏  
情詞懇切著加恩照英吉利國例准其歲買土絲五  
千斤二蠶湖絲三千斤用示加惠外洋至意餘悉飭  
禁如舊所有稽查各關口岸及出入地方仍加意覈  
查以杜影射○又議准朝鮮民人金順丁等違禁越

江當交該國王審擬具奏遵

旨將首犯金順丁並餘犯五人從寬改為絞監候秋後處決於明歲歸入刑部秋審辦理地方官革職其流罪均行寬免觀察使節度使均從寬革職留任該國王能自行查獲照例免議○又

諭向來欽差大臣出使高麗聞入境時該國王備輿迎候此固屬國敬禮天朝敕使以昭恭順但滿洲大臣素嫻韋馬而身膺使命四牡宣勤尤不應乘用肩輿自圖安適著該衙門行文該國王嗣後欽差到境止須豫備馬匹其舊用肩輿之處永行停止在奉使者

既不耽逸一時。致忘習勞之義。而外藩亦稍省繁文。以示體恤。著為令。○又議准朝鮮國越境偷打貂皮之朴厚贊等十名。遵

旨行文朝鮮國王。定擬治罪。其疏防文武各官。分別議處。到部再行具題。○又奏准朝鮮國卡倫之設。原以防範姦民之偷越。乃上年先有金順丁等越邊一案。茲復有朴厚贊等潛越內地偷打貂皮之案。前後繼至。則該國平日雖設卡倫。其防範之疏忽可知。應飭令該國王。嗣後卡倫務宜實力稽查。嚴申禁約。毋致邊民偷越。○又題准

奉天民人。遭風飄至朝鮮。內孫杖一名。私造小船。並未報官給票。違禁下海。照例將孫杖治罪。失察地方官參處。○二十九年奉

旨。禮部奏朝鮮國王李昉咨。貢使李烜等坐車進京。議請治罪一摺。具見該國王敬事之忱。第前降諭旨。欽差前往該國。停止肩輿。本為滿洲大臣。素嫻牽馬。不得循襲養安陋套。致失觀瞻。若該國進貢陪臣。自沿土俗坐車。原可各隨其便。不在例禁之內。所有李烜等。俱著加恩免其治罪。嗣後該國陪臣進京。仍准坐車。其李烜等呈請停給在館館廩之處。仍照例給予。

○是年朝鮮國王遵

旨將違禁越邊之朴厚贊等十犯審擬到部具奏奉

旨朴厚贊等十犯俱從寬改為應統著監候秋後處決

李壽昌李潤成俱著革職從寬留任李潤德李春馨

洪旰著革職其流罪均行寬免○又議奏朝鮮民人

近年以來屢次犯越罔知法紀此次朴厚贊等

十人又復潛越內地總因該國邊防疏忽所致

應將朝鮮國王李昫照例議處奉

旨寬免○又

諭朝鮮國違禁越江偷打貂皮之朴厚贊等十犯部臣

照該國王所咨奏請即行正法原屬罪所應得第念向來此等罪犯曾邀格外從寬若遽前後參差未免或有向隅之憾是以定擬時已有旨改為監候今經秋讞復諭刑部九卿一體令入緩決然在中朝字小之仁恩雖不妨過厚而於藩服越邊之例禁又豈可稍弛儻日久因循該屬不知奉教條而輕犯法轉非加惠該國至意嗣後遇有似此罪犯應將首惡之人明正典刑以昭國憲其屬在脅從者仍令分別議緩庶情法皆無偏枉此案不即照此處分者以未經申諭於前事同不教而殺所不忍為耳該國王其約束

所屬。宣示朝章。俾知守分。違僭。共承惠澤。如復不悛。法令具在。朕不能為姦民曲法。屢宥也。○又奏准。嗣

後朝鮮國王於緊要事件。仍照舊差員齋咨來京。其餘咨送內地。飄風。以至該國邊民越界情事。先已齋咨馳報。其後審擬咨部之件。令送鳳凰城。由

盛京禮部轉遞。以省該國差員奔走之煩。○又奏。朝鮮國土兵金鳳守等。殺死內地披甲。差員至盛京會審。復經部議。將金鳳守擬斬。金世柱擬絞。俱於審明處所正法。其該國失於鈐束之文武

員弁令該國王自行查辦具奏。再朝鮮民人連次越境殺人生事。該國王素日約束不嚴。應請將該國王交部議處。奉

旨。金鳳守依擬應斬。金世柱依擬應絞。俱從寬改為監候。秋後處決。該國王從寬免其議處。欽此。遵

旨。議准。該國疏防各官。應如該國王所奏。將觀察使節度使。俱革職。義州前府尹。革職流二千里。姦民金京大等。雖不知殺人情事。多買帽包。亦是違法。應照律杖配。○三十一年覆准。嗣後西洋人來廣。遇有原進土物。及習天文醫科丹青鐘表。

等技情願赴京效力者。在澳門令告知夷目。呈明海防同知。在省令告知行商。呈明南海縣。隨時詳報總督。具奏請

旨護送進京。僅帶書信物件。由海防同知。南海縣。交提塘轉遞。○三十六年議准朝鮮國王奏稱。有朱璘所撰明紀輯略。載其先世之事。本於明人陳建通紀。因訛襲謬。請刊去書中有關該國者。查二書在中國久已不行。無所容其改削。該國原奉有

特頒史傳。自當欽遵刊布。使其子孫臣庶。知所信從。至

該國或尚有流傳二書之處。應令自行查禁。○  
三十七年。

盛京將軍參奏。伴送朝鮮員役回國之迎送官通  
官等。任其貨車落後。不由大路行走。奉

旨。交部察議。○又議准安南國王奏請。將投誠內地之  
該國人黃公縉等四百餘人。發回該國處治。查  
黃公縉於乾隆三十四年。投入內地。該國王所  
稱黃公縉之父黃公舒。稔惡弗悛。派兵攻圍。潰  
走各情節。事在乾隆三十二年。兩年之久。並未  
豫報。滇省何由得知。

中朝為天下共主。內外一視同仁。莫不兼收並育。  
黃公纘等。業已襁負來歸。

恩威處置。均應仰遵。

朝典。非復該國所得自專。所奏應毋庸議。○三十  
八年。雲貴總督奏。廣東民人何萬珠等。潛越夷  
境。假冒官差。勒索土寨銀兩。奉

旨。何萬珠。唐慶柏。劉順。俱著即處斬。蔡辛。瑞。應斬。著監  
候。秋後處決。○四十年

諭。雲南巡撫奏。廣南府與廣西小鎮安交界地方。拏獲  
竄入滇境匪徒古鴻偉等十八人。訊係從交趾送星

廠逃回等語。此等竄回廠徒，與廣西所獲無異。其桀  
驁者，斷不可留於內地，即游手無依者，亦不便仍留  
本籍。曾屢諭細覈各犯情節，輕重分為三等。重者令  
往烏魯木齊等處種地，輕者在各省安插。其無罪者  
仍留原籍，交地方官嚴行拘管。並令嚴定章程，毋使  
此後內地民人復行竄越外境。滇省亦當仿照辦理。  
○四十一年奏准，朝鮮員役在奉天界被竊銀  
一千兩，請

旨將迎送護送等官，交部嚴加議處。其失去銀兩，交奉  
天將軍會同府尹嚴加飭拏，從重究辦。儻銀兩

無獲。即責令各官分賠。俟該貢使回至錦州。照數交明。○又奏准嗣後朝鮮使人入境。務須按照成例。點驗貨物銀兩。存記檔冊。以備稽覈。並計其人馬數目。令地方官豫備店舍。選派兵役。晝夜巡查。嚴切防範。不致稍有疏失。其朝鮮跟役中。如有不安本分。滋生事端者。責成迎送官。通官據實詳報。辦理。○又奏准乾隆二十八九年。朝鮮國私越內地之金順丁等兩案。俱屆秋審十三四次。照例准其減等。○四十二年

諭。據朝鮮國王奏。該國有逆臣洪麟漢等。結黨謀逆。一

案罪人業經伏法。恐其支黨實繁。或有逃匿漏網者。懇教關口官員查拏等因。一摺。該國臣服多年。素稱恭順。今該國王既恐有餘黨潛逸之事。自應代為查詰。不容竄入內地。著諭盛京將軍。山東巡撫。於盛京山東地方。與朝鮮交界邊隘海口。嚴飭所屬。留心盤詰。如有語言形迹可疑。查係朝鮮人民。即行盤獲。奏聞發交該國自行究治。該將軍巡撫。務實力妥辦。毋得視為具文。○又議准。嗣後朝鮮來使。帶來貨物銀兩。一抵鳳凰城。即責令城守尉。查明各數。註載冊檔。聽朝鮮書日信識商人。代為雇車載運。取

具交領呈狀備查。其於何日可至何處。飭各該驛丞。豫報地方旗民各官。覈計日期。更遞護送。仍報將軍等衙門。儻有交接貽誤。不報該將軍等參奏。均照司驛官不按驛接替彼此互越例。降一級調用。如交接日月不報。各該管衙門。照應申上而不申上例。罰俸九月。若朝鮮人衆。或不安本分滋事。著迎送官通官。嚴加管束。如有違犯。具報該管衙門查辦。若迎送官通官。稍有疏忽。許旗民地方官。呈報嚴參。均照約束不嚴例。降一級調用。至朝鮮交商銀物。偶有捐傷。如

無偷竊情事。原商賠還。仍照棄毀官物例治罪。如有偷竊情事。地方官照道路郵莊失事例議處。賊犯照行竊餉鞘例計賊問擬。至其隨帶銀物。遇有偷竊情事。尤關體制。地方官護送官均照餉鞘被失例。交部嚴加議處。所失銀物著地方官並統轄專轄各上司。按股賠還。仍緝偷竊人。嚴訊追贓。亦照行竊餉鞘例計賊從重科斷。至該國差來之人。該國王務須派委妥員。隨押商車。如有藉詞妄報滋事情弊。由禮部行知該國王一體治罪。○四十四年奏准嗣後吉林甯

古塔二處派往朝鮮之人。至期於各處查明所禁貂皮水獺狍獾江獺等物外。將私行交易。挾帶貨物。嚴行禁止。伊等應帶貨物。並跟役名數。造具文引。俱於額木赫索囉地方。二處官兵會齊時。由額木赫索囉佐領處查明放過。至於由部派出通官。應帶貨物。並跟役一體查明放過。回程之日。亦由額木赫索囉處。詳查換來官牛等物。詳報備查。至慶源交易之琿春庫爾喀人等。即於琿春協領處。將應遣往之人。所帶之物。並換來之貨。詳報備查。如有不守法令者。從

重治罪。○四十五年奏准會同館失火緣該國  
從人然燒窗紙所致並未損傷人口。

賞賜各物俱未燒毀惟奏交該使臣帶回

恩詔一道該國人等搶護不及現有直隸省繳到

恩詔應令該使臣齎回又該國使臣黃仁點等惶恐俟

謹呈請轉奏奉

旨寬免。○五十八年朝鮮國王咨請換買錢貨帶回該

國通用所請與例不符未便奏辦。○六十年陝

西巡撫奏盤獲西洋人陳瑪祿同湖北民人劉

瑚袁安德赴陝西尋訪同教隨經官兵盤獲委

員將該犯等押解進京審辦治罪。